



Inatsisartunut ilaasortat
Finn Karlsen, Siverth K. Heilmann aamma Knud Kristiansen
/Maani

Pillugu: § 36, imm. 1 naapertorlugu apeqqummut nr. 2010-75-imut akissuteqaat

Asasara Finn Karlsen, Siverth K. Heilmann aamma Knud Kristiansen,

29. april 2010
Sagsnr. 2010-029793
Dok. Nr. 367046

Aallarniutigalugu apeqqtissinnut qjarusuppunga:

Postboks 909
3900 Nuuk

Qeqertarsuaq talittarfeqarnikkut Naalakkersuisut qanoq pilersaaruteqarfigaat?

Tlf. (+299) 34 50 00
Fax (+299) 34 54 10

2006-imi Inatsisartut upernaakkut ataatsimiinneranni Inatsisartut Umiarsualiviit pillugit nalunaarusiaq suliaaraat. Kalaallit Nunaanni umiarsualivinnik inerisaanissamut pilersaarutit tassani takuneqarsinnaapput, kisianni Qeqertarsuarni umiarsualivik tassani ilaangilaq.

E-mail: iaan@nanoq.gl
www.nanoq.gl

AI2010-mi kontomi pingaarnermi 87.73.10 "Umiarsualiviit" (Sanaartornermut aningaasaliissutit) umiarsualivinni suliaasat Inatsisartunut 2006-imi saqqummiunneqartut pingaarnersiomeqarnerat takuneqarsinnaavoq. Aammattaaq kontomi pingaarnermi takuneqarsinnaavoq ukioq manna kiisalu ukiuni missingersuusiorfusuni umiarsualivinnut sanaartugassanut aningaasaliisoqarsimanngitsoq. Suliap taassuma ingerlanerani Inuussutissarsiornermut Suliffeqarnermullu Naalakkersuisoqarfiup aamma Ineqarnermut, Attaveqarnermut Angallanermullu Naalakkersuisoqarfiup akornanni, nunami attaveqarnerup inuussutissarsiornermut unammilligassaqaartitsinera pillugu ingerlaavartumik oqaloqatigiittoqarpoq.

Siunissami assartuussinerup ilusissaa, nunat immikkoortuini, inuussutissarsiornermi pingaartumillu nunap aningaasaqarnikkut piginnaasai eqqarsaatigalugit ataqatigiissusaaq Naalakkersuisunit sammineqartorujussuuvoq. Taamaattumik naluneqanngitsut Naalakkersuisut Assartuussineq pillugu Isumalioqatigiissitamik pilersitsipput, taassumalu Kalaallit Nunaanni attaveqaatinik tamanik misissueqqissaarnermik saqqummiussinissaq siunertaraa. Misissueqqissaarnermik suliaqarnermi nunap immikkoortuini inuussutissarsiornermik inerisaanissamut pilersaarutit tunngavissatut pingaaruteqartutut ilaatinneqarput. Tamanna aamma Qaasuitsup Kommuniani – taamaalillunilu aamma Qeqertarsuarni aaqqiissutissanut atuuppoq.

Naalakkersuisut Assartuussineq pillugu Isumalioqatigiissitap isumaliutissiissutaa ukioq manna aggustimi tigussallugu naatsorsuutigaat, taamaattumillu ineriartortitsinissamut pilersaarutit isummerfigineqarsinnaaneritut tassani inassutigineqartussat Naalakkersuisunit utaqqineqarput.

Taamaattumik Umiarsualivinnik inerisaanissamut pilersaarut 2006-imeersoq
allannguuteqartinneqassappat, tamatumunnga Assartuussineq pillugu
Isumalioqatigiissitap isumaliutissiisummini inassuteqaatissai apeqqutaassapput.

Inussiarnersumik inuulluaqqusilluta

Jens B. Frederiksen